

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXXXVII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

compater, D. Illyricum & fratres tuos in Ministerio, & D. Doctorem Ludovicum Gremium, & omnes nobis amicos, nec non piam uxorem tuam, amanter salvere jubeo. Interim vale & novo anno feliciter frui. Data sub candelis, in Feſto Circumcifionis Domini. Ao. 68.

T.

Wolfgang. à Kötteritz.

CXXXVII.

Salutem per & propter Immanuelem nostrum.

Nobilis ingenio, vera pietate celebris
 Doct̄or, & ô multis, Vir reverende, modis.
 Quòd libet alternos invita Pallade versus
 Texere, vel metricos composuisse pedes;
 Id, nisi lætitiæ præſentis temporis expers,
 Non, mihi qui vitio vertere poſſit, erit,
 Dum pia concurrens frequenti eccleſia cœtu
 Cantica ſolenni carmine lata canit,
 Grata Deo, memor officii, cunabula Chriſti,
 Dum canit ætherei concio ſacra chori.
 Quod quot ſervitio cœlos plantare jubemur,
 Nos multo ergo minus conticuiffe decet.
 Tranſiit exactus bis ſex his menſibus annus,
 Convenit hunc curſu nunc iterare pari.
 Tranſiit eXaCtVs bls ſeX hls MenſibVs annVs,
 ConVenit hVnc cVrsV nVnc Iterare parl.
 Ex quo virgineâ natus ſalvator ab alvo
 Filius ipſe Dei, ſplendor, imago patris.
 Mors mortis, mortem propria qui morte ſubegit,
 Façtus homo noſtras venit obire vices.
 Diluit is noſtram, profuſo ſanguine, labem,
 Cœleſtesque patent, hoc reſerante, fores.
 Unde ſalutiferum, cute circumciſus, JESU
 Nomen (id angelica voce jubente) tulit.

Gaudia

PARS TERTIA.

A. 1568.

Gaudia sunt primi mensis sacrata calendis,
 Nomen qui à Jano vate bifronte tenet.
 Tempora (si perhibent antiqua volumina verum)
 Talibus assuetis acta fuere modis,
 Exoptare, bonis novus ut successibus annus
 Eveniat, strenas mosque tulisse fuit.
 Scilicet ut mutuum plebs testaretur amorem,
 Candorisque sui symbola certa daret.
 Hactenus his libuit majorum moribus uti,
 Æmula & hunc retinet ratio nostra modum.
 Dum se literulis ultroque citroque salutat,
 Inque vicem strenas distribuisse solet.
 Accipe nunc igitur, Doctor Reverende, salutem,
 Et quas ardenti pectore fundo preces.
 Principio foelix, mediis foeliciter annus
 Cursibus, at finis lætior esto tibi.
 Utile principium melior fortuna sequatur,
 Exitus acta probans, optima quæque ferat.
 Incolumem verus te servet pastor ovili,
 Cujus nunc verbi semine pascis oves,
 Per quem colligitur numeroso Ecclesia coetu,
 Imbibit & summi jussa verenda DEL.
 Ergo tibi merito, gratanti voce, precamur,
 Ut parcat vitæ Parca maligna tuæ.
 Quam decorat sapiens pieras, affabilis uxor,
 Altera pars animæ sit quoque salva tuæ.
 Enatis videas natos, serosque nepotes,
 Ut soboles crescat semper, honosque domus.
 Junior, ante alios, foelici nomine dignus
 Huldrychus salvos transigat ipse dies,
 Ut sese ingenii docilis solertia prodit,
 In puero miris conspicienda modis,
 Me nisi judicium vel mens prænuncia fallit,
 Deliciæ patris, gaudia matris erit.

Kk 3

Nive.

Nunc brevitatis amans, ut paucis plurima verbis
 Comprecer, incolumis sit tua tota domus,
 Collegisque tuis eadem precor optima cuncta,
 Hos regat in cunctis, qui regit astra, DEUS.
 Præfens iste novus, lætis successibus, annus
 Transeat, & placido tum quoque sine fluat.
 Flinnerus summum summa qui prædicat æde,
 Thomanamque regens voce sonante plebem,
 Et qui fragrantés, Florus, Negelinus, odores
 Spargunt, cum Thoma, clavigerique duo.
 At reliqui fratres, toto mihi pectore chari,
 Annos grandævi Matthusæclis agant.
 Tu ruber, aut aliter si vis, Erythræe, vocari,
 Sic valeas, validus possit ut esse Valens.
 O tibi lanificæ prolongent fila sorores,
 Vivito Nestoreos, frater amande, dies.
 Vir gravis, Ernesti cui vox benè competit apta,
 Qui simul & regis nomen & omen habet.
 Kyber, Davidicæ percurrens pollice docto,
 Ut Christum resonent, fila sonora chelys.
 Omnibus hi vivant numerisque modisque beati,
 Sint vegeti, validi, corpore, mente, bonis.

Studgardia, Nonis Januarii,
 Anno 68.

Tuus & Vester totus

Wilh. Bidembach, D.



CXXXVIII.

Reverende Vir, frater in Domino mihi & omnibus, qui Christum amant,
 observande. Hesterno demum vespere tuas accepi literas, datas 20.
 Januarii. Itaque ne abiturientes ad Grempianas nuptias absque his literis
 dimitterem, non potui, antequam hæc scriberem, cum Reverendo patre, D.
 Brentio, & reliquis meis Collegis hodie conferre, de M. Flacio Illyrico. Hæc
 tamen festinanter exarare volui, quæ sequuntur, daturus mox (volente Do-
 mino)